



Organizovali prostituciju za Turke i Arape

D. TOVILOVIĆ

SARAJEVO - Pripadnici Državne agencije za istrage i zaštitu (SIPA) BiH uhapsili su juče rano ujutru na području Sarajeva tri osobe za koje se sumnja da su učestvovalе u organizovanju prostitucije u ovom gradu i pranju novca.

Kako nezvanično saznajemo, u akciji kodnog naziva "Lipstik" uhapšeni su Samir Kurtović (31), O.N. (37) i M.Š. (26).

Na tri lokacije su izvršeni pretrasi, a u svojstvu svjedoka saslušano je više žena.

Sumnja se da je ovaj trio organizovao pružanje seksualnih usluga i van Sarajevskog kantona, te da su sa klijentima dogo-

varali mjesto sastanka, gdje su doveli prostitutke, a zatim ih i vraćali nakon završenog posla.

Prvoosumnjičeni je za navedene usluge naplaćivao 50 odsto od dogovorenog iznosa.

SASLUŠANO VIŠE ŽENA U SVOJSTVU SVJEDOKA

Kristina Jozić, portparol SIPA, izjavila je da su klijenti najčešće bili strani državljani, osobe turskog i arapskog porijekla, te da je cijena seksualnih usluga bila oko 200 KM.

"Tokom pretrasa pronađeni su i privremeno oduzeti predmeti

koji mogu poslužiti kao dokaz u daljem postupku, i to mobilni telefoni, SIM kartice, određeni novčani iznos, dva komada vatrenog oružja sa municijom i drugi predmeti", saopšteno je iz SIPA.

Akcija je, kako je rečeno, rezultat višemjesečne istrage koju su istražioci Agencije sproveli pod nadzorom Kantonalnog tužilaštva.

Uhapšeni su privedeni u službene prostorije SIPA na kriminalističku obradu nakon čega će, uz izvještaj, biti predati na dalje postupanje Tužilaštvu Kantona Sarajevo, na osnovu čije naredbe je akcija i sprovedena.

Podsjećamo, ovo je druga akcija u ovom mjesecu koju je SIPA sprovela u glavnom gradu BiH, a sa ciljem razbijanja lanca prostitucije.

Tada se među 16 uhapšenih u akcijama "Coral" i "Lango", a koji su osumnjičeni za poresku utaju, organizovani kriminal i navođenje na prostituciju, našao i Alen Čengić, poznati ugostitelj iz Sarajeva, vlasnik restorana "Park prinčeva" i bivši direktor hotela "Holiđei".